



BASES REGULADORAS DA CONVOCATORIA PARA A CONCESIÓN DE AXUDAS A FAMILIAS PARA MATERIAL ESCOLAR PARA O CURSO 2020/2021

Estas bases teñen por obxecto regular a convocatoria para a concesión de axudas destinadas a adquisición de libros de texto, material escolar complementario, có fin de promover o principio e igualdade no exercicio do dereito á educación e compensar ás familias para facer fronte aos gastos derivados da escolarización dos seus fillos e fillas matriculados nos cursos de Educación Infantil e Educación Primaria, todo nos termos establecidos no artigo 49 da Lei 7/1985, do 2 de abril, reguladora das bases do réxime local, no regulamento de servizos das corporacións locais, na Lei 5/1997, de Administración Local de Galicia, na Lei 38/2003, do 7 de novembro, xeral de subvencións, no Real Decreto 887/2006, do 21 de xullo, polo que se aproba o regulamento da Lei 38/2003, xeral de subvencións, e na Lei 9/2007, do 13 de xuño, de subvencións de Galicia.

1.-Obxecto da convocatoria.

O obxecto destas bases consiste en regular as normas polas que rexerá a convocatoria pública de axudas a estudantes a conceder polo Concello das Somozas para compra de libros e material escolar e complementario que sexa necesario por consecuencia da escolaridade nos niveis de infantil e primaria. Os conceptos específicos que se subvencionan son:

- Libros e material escolar funxible (cores, libretas, folios, tinta impresora, etc.)
- Material complementario: compás, regras, estoxo, mochila, libros de lectura, pen drive, etc.
- Tendo en conta a especial situación sanitaria deste curso tamén se poderán mercar, máscaras e/ou portamáscaras xa que son de uso obrigado nos centros escolares.

O orzamento máximo para as devanditas axudas é de 5.000 euros con cargo á partida presupuestaria 2020.320.480.00

As axudas concedidas en virtude da presente ordenanza serán compatibles con calquera outra que se poida percibir coa mesma finalidade doutras entidades públicas ou privadas, sempre que as axudas concorrentes non superen o custo do material escolar subvencionado.

2.-Persoas beneficiarias.

Poderán solicitar esta subvención as persoas físicas pai, nai, titor/a ou familias acolledoras de un/unha ou varios menores.

Aos efectos destas bases, considerarase unidade familiar: os núcleos de convivencia formados polos pais/nais ou titores, fillos/fillas menores de 18 anos, e fillos/as solteiros menores de 26 anos empadroados no Concello das Somozas e no mesmo domicilio, na data de publicación desta convocatoria.

No caso de divorcio, separación legal ou de feito dos proxenitores, non se considerará membro computable aquel deles que non conviva cos fillos ou fillas.

Non obstante, se é o caso, terá a consideración de membro computable o novo cónxuxe ou parella de feito, e as rendas inclúense dentro do cómputo da renda familiar.

Nos supostos de custodia compartida inclúense ambos proxenitores dentro do cómputo da renda familiar.

2.1.-Requisitos das persoas beneficiarias.

* Ter fillos ou fillas menores de idade e ter empadramento no Concello das Somozas no intre da publicación destas bases.

* A nena ou neno debe ter escolarización durante o curso escolar 2020/2021, nos niveis de infantil ou primaria nun centro de ensinanza pública .

*Non ter deudas co Concello das Somozas.

*Cumprir os requisitos establecidos no artigo 13 da Lei 38/2003 do 17 de novembro, xeral de subvencións.

* Non superar os ingresos, en particular a suma das bases impositibles do IRPF (recuadros 435+460) dos membros que integran a unidade familiar. que establece o baremo económico seguinte :

| Número de membros da unidade familiar | Límite de renda anual familiar |
|--|---------------------------------------|
| Unidade familiar de 2 membros | 4 x IPREM (30.078,36 €) |
| Unidade familiar de 3 membros | 5 x IPREM (37.597,95 €) |
| Unidade familiar de 4 membros | 6 x IPREM (45.117,54 €) |
| Unidade familiar de 5 membros | 7 x IPREM (52.637,13 €) |
| Unidade familiar de 6 membros | 7,5 x IPREM (56.396,92 €) |

3. Procedemento da solicitude.

3.1.- Lugar. As solicitudes presentaranse xunto coa documentación correspondente no Rexistro Xeral do Concello ou na Sede Electrónica do Concello das Somozas, utilizando o formulario específico desta convocatoria .

3.2.- Prazo. As solicitudes presentaranse no prazo de quince días hábiles a contar dende o seguinte á publicación destas bases no BOP.

Este prazo entenderase sen prexuízo do prazo de dez días hábiles, que se concederá no caso de presentación de documentación incompleta ou defectuosa para a súa rectificación, quedando apercibido que de non facelo así, terase por desistido e arquivaranse as actuacións sen máis trámite. conforme ao previsto no artigo 68 da Lei 39/2015, de 1 de outubro, do Procedemento Administrativo Común das Administracións Públicas.

3.3.- Documentación a presentar:

1.- Solicitude segundo o modelo establecido.

2.- Fotocopia do D.N.I. do/a solicitante, parella ou cónxuxe e fillos/as.

3.- Fotocopia do/s Libro/s de Familia (completos).

4.- Declaración do IRPF do exercicio 2019 (completa) do/a solicitante e cónxuxe/parella. No caso de non presentala, Certificado de Imputacións de Rentas expedido pola Axencia Estatal de Administración Tributaria.

5.- Xustificante da matrícula do presente curso, ou certificado do Centro Educativo.

6.- Declaración do conxunto de tódalas solicitudes efectuadas ou concedidas para a dita finalidade das distintas administracións públicas ou organismos privados competentes, segundo o modelo establecido.

7.- Certificados de atoparse ao corrente nas obrigas tributarias en xeral e, en concreto co Concello das Somozas, e coa Seguridade Social, e de estar ao corrente no cumprimento de obrigas por reintegro de subvencións; ou autorizar ao Concello a obter esta información, segundo o modelo establecido.(Unha por cada proxenitor/a)

8.- Declaración responsable de non estar incurso en ningunha das causas de prohibición para obter subvencións que se establecen no artigo 13.2 da Lei 38/2003 xeral de subvencións, e de non ter pendente de xustificar ningunha subvención concedida polo Concello das Somozas, segundo o modelo establecido.

9.- Se é o caso, documentación acreditativa da ausencia do fogar familiar dalgún dos proxenitores: familia monoparental (con certificado acreditativo), separación/divorcio, viuvez, orfandade, etc.

11.- Certificación bancaria do número de conta onde se vaia facer o ingreso da axuda concedida, terá que ser titular a persoa solicitante.

NOTA.- As persoas solicitantes deberán achegar só os orixinais dos documentos, realizándose no Rexistro Municipal copia de ditos documentos no momento de presentar a solicitude.

4.- Contías das axudas.

Ata a metade do tope marcado para cada unidade familiar (según a tabla do punto 2), a axuda será de 100 euros.

Entre a metade e o máximo indicado para cada unidade familiar (según a tabla do punto 2), a axuda será de 50 euros.

| Número de membros da unidade familiar | Ata a metade do tope (100 €) | A partir da metade ata o máximo permitido (50 €) |
|---------------------------------------|------------------------------|--|
| 2 membros | Ata 15.039,18 € | Dende 15.039,19 € ata 30.078,36 € |
| 3 membros | Ata 18.798,97 € | Dende 18.798,98 € ata 37.597,95 € |
| 4 membros | Ata 22.558,77 € | Dende 22.558,78 € ata 45.117,54 € |
| 5 membros | Ata 26.318,56 € | Dende 26.318,57 € ata 52.637,13 € |
| 6 membros | Ata 28.198,46 € | Dende 28.198,47 € ata 56.396,92 € |

5.- Obrigas dos/as beneficiarios/as.

Son obrigas dos/as beneficiarios/as:

- Presentar debidamente cuberta a documentación requirida no prazo sinalado.
- Xustificar ante o Concello das Somozas o cumprimento dos requisitos e das condicións, así como a finalidade que determine a concesión da subvención.
- Non ter pendente de xustificar ningunha subvención concedida polo Concello das Somozas.

- Someterse ás actuacións de comprobación e control que sexan debidamente requirida polos órganos municipais, proporcionando tanta información lles sexa requirida no exercicio de ditas actuacións.
- Comunicar ao órgano concedente a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza.
- Acreditar, no momento da solicitude, que está ao corrente no cumprimento das súas obrigas tributarias e fronte á Seguridade Social e no cumprimento de obrigas por reintegro de subvencións, ou autorizar ao Concello das Somozas e obter a información.
- Conservar os documentos xustificativos da aplicación dos fondos recibidos.
- Proceder ao reintegro dos fondos públicos percibidos nos supostos contemplados no artigo 37 da LXS.

6.- Procedemento.

- A instrución do procedemento corresponderalle á Comisión Avaliadora, que estará constituída polo Alcalde, ou concelleiro en quen delegue, que actuará como presidente; o Secretario-Interventor ou funcionario/a en quen delegue, que actuará como secretario e a Traballadora Social ou funcionario/a en quen delegue, que deberán avaliar as solicitudes presentadas e requirir as subsanacións que procedan para que as mesmas cumpran os requisitos esixidos nas presentes bases. O prazo será de dez días improrrogables; no suposto de que os defectos se consideren non subsanables, o órgano instructor propondrá a inadmisión.
- Avaliadas as solicitudes, emitirase proposta de resolución na que se indicará a concesión ou non e a contía da axuda.
- O Alcalde resolverá sobre a concesión ou denegación das axudas . A resolución conterá a relación dos beneficiarios e os importes das axudas, así como as solicitudes desestimadas coa motivación que proceda.
- A Resolución de concesión publicarase no Taboleiro de Anuncios do Concello e na web municipal unicamente có número do documento de identidade que as persoas solicitantes puxesen na súa solicitude.
- A publicación das resolucións neste procedemento substituirá ás notificacións persoais, tendo os mesmos efectos ao contar có contido esixido no artigo 45 da lei 39/2015, de 1 de outubro, de procedemento administrativo común das administracións públicas.

7.- Pago e xustificación.

Unha vez publicada a resolución coa concesión procederase ao aboamento das axudas mediante ingreso por transferencia bancaria.

As persoas beneficiarias das axudas terán ata o 15 de decembro para xustificar o gasto efectuado, que terá que ser igual ou superior á contía concedida; e será necesario presentar factura orixinal a nome da persoa solicitante e titular da conta bancaria proposta.

A falta de xustificación ou xustificación insuficiente dará lugar á perda do dereito da subvención por parte do beneficiario, polo que procederá a tramitación do reintegro da axuda por parte do órgano concedente e previo o informe da Intervención Municipal.

8.- Confidencialidade.

Segundo o disposto na Lei Orgánica 3/2018, de 5 de decembro, de Protección de Datos Persoais e garantía dos dereitos dixitais e no artigo 6.3.f da Lei 13/2008, de servizos sociais de Galicia, garantiráselle ás persoas usuarias dos servizos sociais o dereito "á confidencialidade, ao sigilo e ao respecto con relación aos seus datos persoais e coa súa información que sexa coñecida polos servizos sociais en razón da súa intervención profesional...".

9.- Publicidade.

O Concello das Somozas dará publicidade da presente convocatoria e bases no Boletín Oficial da Provincia, no Taboleiro de edictos, e na web municipal.

Asdo.

SR. ALCALDE-PRESIDENTE DO CONCELLO DAS SOMOZAS